

**Incumbensa Pfenninger concernent l'adattaziun da l'artitgel 20 da la lescha da finanzas
(cumpensaziun d'expensas en cas da credits posteriurs)**

Da princip èsi da beneventar che credits posteriurs duain – tenor l'artitgel 11 da l'ordinaziun da finanzas – sche pussaivel vegnir cumpensads tras expensas pli pitschnas en in auter sector. Ils ultims onns è dentant sa sviluppada la pratica da permetter er cumpensaziuns dal sector d'investiziun e viceversa.

L'artitgel 20 da la lescha da finanzas na cuntegna naginas infurmaziuns davart la cumpensaziun. Plinavant vegn duvrada en l'artitgel 11 da l'ordinaziun da finanzas mo la noziun «expensas pli pitschnas»; quai senza ulteriuras precisaziuns.

En general èsi da menziunar ch'ina cumpensaziun dal sector d'investiziun en il quint economic u viceversa sto vegnir designada sco problematica resp. sco betg confurma al sistem, cun ils preventivs globals e cun ils instruments da planisaziun dal cussegl grond. Quai engrevescha la legibladad e restrenscha la trasparenza tar la controlla. Plinavant n'èn las cumpensaziuns dal sector d'investiziun savens betg vairas expensas pli pitschnas, cunquai che questas investiziuns resultan tuttina l'on suandant.

Las sutsegnadras ed ils sutsegnaders incumbenseschan la regenza da suttametter al cussegl grond in'adattaziun da l'artitgel 20 da la lescha da finanzas, che regla cleramain la cumpensaziun d'expensas en cas da credits posteriurs, senza cumpigliar il sector d'investiziun.

Cuira, ils 13 da favrer 2018

Pfenninger, Marti, Atanes, Baselgia-Brunner, Bucher-Brini, Cahenzli-Philipp, Casanova-Maron (Domat), Cavegn, Caviezel (Cuira), Clavadetscher, Della Vedova, Deplazes, Dermont, Felix (Scuol), Gunzinger, Heiz, Hitz-Rusch, Holzinger-Loretz, Jaag, Jenny, Joos, Kuoni, Locher Benguerel, Monigatti, Nay, Niederer, Paterlini, Perl, Peyrer, Pfäffli, Pult, Stiffler (Cuira), Tenchio, Thomann-Frank, Thöny, Troncana-Sauer, Vetsch (Pragg-Jenaz), Wieland